



Broj: 634/19
Sarajevo, 01.11.2019. godine

TVSA

PREDMET: Demant, dostavlja se

Sindikat radnika u zdravstvu u Kantonu Sarajevo želi informisati javnost o netačnim i selektivnim navodima Amre Butković, novinarke TVSA, a u vezi priloga o održanom sastanku Štrajkačkog odbora Sindikata radnika u zdravstvu u Kantonu Sarajevu i predstavnika Vlade Kantona Sarajevo u informativnoj emisiji "TVSA" pod nazivom "Dnevnik TVSA" emitovanoj dana 31.10.2019. godine u 18,30 sati.

Novinarka Amra Butković dezinformisala je javnost navodeći da Sindikat doktora medicine i stomatologije čeka odluku Kantonalnog suda „nakon što se Selimićev sindikat žalio na rješenje Ministarstva rada o reprezentativnosti ovog sindikata“. Iz pomenute izjave da se zaključiti da se Prim. dr Edo Selimić predstavlja na način koji izaziva prijekor i prezir javnosti, posebno doktora medicine i stomatologije, a Ministarstvo za rad, socijalnu politiku, raseljena lica i izbjeglice Kantona Sarajevo i Sindikat doktora medicine i stomatologije Kantona Sarajevo kao žrtva, te je očigledno da se favorizuje kako pomenuti sindikat, tako i pomenuto Ministarstvo, a u konačnici i cijela Vlada Kantona Sarajevo. Ovakvom informacijom neosnovano se zavodi javnost da Sindikatom radnika u zdravstvu u Kantonu Sarajevo upravlja pojedinac i neosnovano se potkopava povjerenje javnosti, a prije svega naših članova u zakonit rad ovog Sindikata.

S tim u vezi, a u cilju tačnog i relevantnog informisanja građana Kantona Sarajevo, prevasnodno ističemo da nikakav Selimićev sindikat ne postoji, ali postoji Sindikat radnika u zdravstvu u Kantonu Sarajevo čiji je zakonski zastupnik Prim dr. Edo Selimić. Ne možemo, a da ne primjetimo da vaša novinarka Amra Butković zvanični naziv ovog Sindikata, iz njoj znanih razloga, a za razliku od naziva drugih sindikata koji egzistiraju u Kantonu Sarajevo, u svojim prilozima ne izgovara praveći pri tome nepotrebne selekcije među sindikatima.

Nadalje, netačno je da je „Selimićev sindikat podnio žalbu na rješenje Ministarstva rada, a u vezi reprezentativnosti Sindikata doktora medicine i stomatologije.“ Tačna informacija jeste da je Sindikat radnika u zdravstvu u Kantonu Sarajevo, shodno odluci Glavnog odbora ovog Sindikata, podnio tužbu protiv Ministarstva za rad, socijalnu politiku, raseljena lica i izbjeglice Kantona Sarajevo, a povodom donošenja Rješenja o reprezentativnosti Sindikata doktora medicine i stomatologije Kantona Sarajevo suprotno pravnom shvatanju, primjedbama i uputama Kantonalnog suda u Sarajevu datim u presudi povodom koje je i doneseno rješenje koje je po drugi put predmet sudkog spora.

Stoga je prilog novinarke Amre Butković emitovan u gore pomenutoj emisiji neprofesionalan i senzacionalan, te predstavlja grubo kršenje prava naših sugrađana na tačno informisanje, kao i etičkih normi novinarstva, i u konačnici, doprinosi svjesnom manipulisanju javnosti.

Kako bi otklonili i dilemu novinarke Amre Butković koju je iznijela u navedenoj informativnoj emisiji, obavještavamo javnost da Sindikat radnika u zdravstvu u Kantonu Sarajevo zastupa interes svojih članova, ali benefite od potpisivanja kolektivnog ugovora od strane ovog Sindikata će imati svi radnici u oblasti zdravstva u Kantonu Sarajevo bez obzira da li su ili ne članovi sindikata i kojeg, kao što je to bilo i 2017. i 2018. godine, budući da samo ovaj Sindikat vodi kolektivne pregovore.

Na kraju napominjemo da je zakonska obaveza svih medija, pa tako i naslovjenog, objektivno informisanje javnosti, te da neprofesionalno, senzacionalističko i političko motivisano izvještavanje ne doprinosi relevantnom, korisnom i tačnom informisanju naših građana.

Shodno navedenom, dostavlja vam se ovaj demant na objavu sa zahtjevom da isti objavite u informativnoj emisiji "Dnevnik TVSA" koja će biti emitovana 01.11.2019. godine u 18,30 sati.

Dostaviti:

- Naslovu
- Printanim i elektronskim medijima
- www.sindikatzdravstvaks.ba
- a/a

